

ORATIO IRENICO-PANEGYRICA,

habita

à

IOH: ALEXANDRO SCHEGKIO,
DIVERSORUM IMPERII STATUUM, ATQUE, HOS
INTER, INCLYTÆ REIPUBL: ROTEN-
BURG: CONSILIARIO.

ROTENBURGI AD TUBARIUM

d. 17. Octobr. 1679.



Prælo submittebat FRIDERICUS GUSTAVUS LIPSIE,
Annô Mæssianô MDCLXXX.

THE
HISTORICAL
AND
GEOGRAPHICAL

TO THE
HONORABLE
THE
HONORABLE

THE
HONORABLE

THE
HONORABLE

THE
HONORABLE



I. N. II

EXORDIUM.



Túque sic tandem, Deo equidem Nobis vel denuò propitiò, illuxit, AUDITORES, Magnificâ Nobilitate, Reverendâ Dignitate, Nobili Excellentia, Excellenti Prudentiâ, Prudenti denique Experimentiâ, juxtâ atque Litterarum Claritate undecunq̃ Spectatissimi, pares, ut & sup̃pares,

Túque mihi ex animo arridens studiosa Juventus!

Illuxit, inquam, alluxitque Nobis dies illa lætitiæ, dies tot gemitibus exoptata, tot suspirijs efflagitata, tot denique lachrymarum singultibus, velut irretortis exorabilis exorata, dies, posthabitâ illâ, atque expulsâ procul Germaniæ nostræ facie funestâ cheul atque cadaverosâ, pristinæ (Huic enim tantum non penitus decoxerat hætenus) Libertatis, Dignitatisque vindex, dies, ô utinam nunquam posthâc, & ne in æternum quidem intermoritura! dies tubarum, turbarumque exterminatrix, dies non tripondiorum saltim, sed & tripudiorum restauratrix, diem PACIS subaudio, quam si vel dixero duntaxat, omnia felicitatis plaustra insimul adduxero.

TRICENNium est etenim, & quod excurrit, Auditores omnium ordinum Honoratissimi, Lectissimi que, (excurrit autem unius tantum hoc in super Anni spatium,) ex quo, post tempestatem illam Belli Cæsareo-Suecici, vel, si mavultis, Lanienam Belli Hispanico-Gallici, certè universæ propemodum Germaniæ nostræ vel maximè exitiosi, & tantum non exterminatorij, similiter tricennale, constat est Decretorium illud (quod ita indigite Publi-

blicistis volupe fuit) PACIS INSTRUMENTUM, Lex equidem, si Dijs, cœlesti cumprimis, post dein' terrestribus etiam placuerit, omne æternitatis punctum si non prorsus transgressura, profecto tamen ad amussim exæquatura; At verò, quæ varians felicitatis humanæ est varietas, quodque fortunæ infortunijvè ludibrium, natum est hoc, quicquid est, Transigentium coagulum, velut adamantinum vinculum, & speciosissimum Imperij nostri Palladium, post istud Tricennium, natum est, ingemino, imò verò ingemisco, adolevit, accrevit, succrevit, decrevit, consenuit, & denique jam nunc, quod tremulæ Senectutis adminiculo esse assolet, tremulis utrinque manibus baculum regit, & vestigia firmat, videlicet:

Neu collapsa ruant subductis recta columnis;

Usque adeo cœptorum eventus, juxta illud Ammiani, Superæ sibi vindicant Potestates; Usque adeo divina Nemesis, ex abdita quadam æternitate, omnia si non despectat, certè tamen mirifice transformat terrena; Usque adeo hæc, veluti Regina Causarum, Rerumque arbitra, & disceptatrix, urnam temperat Sortium, Accedentium vices alternat, voluntatumque nostrarum exorsa, interdum aliò, quàm quò contendebant, terminans exitu, multiplices permutando convolvit actus; Usq; adeo (Durnodò fidem damus consumatissimo illi, dum viveret,) Cto. vñ εν άγιος Lansio, post tres IMPERATORES, quibus à Consilijs erat, Romano-Germanicos, Serenissimi etiam atque Celsissimi quondam EBERHARDI, Ducis Württembergiæ, &c. intimæ admissionis, nec non paterni, quò dignabatur eum jugiter Serenissima sua Celsitudo, affectus, atque alloqui, Consiliario) Usque adeo, inquam; cum edecumato hocce Lansio, Fortuna meretriculæ jure meritoque habetur simillima, quippe quæ & prudentibus imponens, & imprudentes dementans neminem constanter amat, ex quo amatorem perpetuò mutat; Usque adeo post Senecam, eumque, ut cum Piccarto loquar, sacris penè proximum,

Quem dies vidit veniens superbum,
Hunc dies vidit fugiens jacentem;
Nemo confidat nimium secuadis,
Nemo desperet mellora lapsis;

Miscet hæc illis, prohibetque Clotho
Stare fortunam; ROTAT OMNE FATUM.
Nemo tam Divos habuit faventes,
Crastinum ut possit sibi polliceri;
Res DEUS nostras celeri citatas
Turbine versat.

213

Alsatix, obsecro, Rheniq; Tractus, Ditiones nobis propemodum
conterminas, intuemini, Auditores, quippe quas connumeratō
in vim quasi trifidi fertilitatis pariter, atq; amœnitatis, & ut ver-
bulū me absolvam, omnigenæ felicitatis trifolij, Belgio, Hortum
Germaniæ laudavit proximè laudatus Lanius meus; Intuemini
autem haud gravatim fronte, ad instar Jani bifrontis, extrorsum
partim, partim etiam retrorsum directā (à fronte scilicet præci-
pitum, à tergo lupi) has saltem, quas jam nunc allegavi, Regio-
nes; Remotiora enim loca, gemebundis fremebundi adhuc Mar-
tis si non devastationibus, certè tamen infestationibus undique,
& undique persona, & pressa, prohi dolor! si non oppressa, libens
lubensque taceo; Intuemini, inquam, atque hoc quidem habitū
inter tō: TUNC, & inter tō: NUNC: prudenti, sagaciq; colla-
tione; Deprehendetis, scio, & mecum quidem ingemiscētes de-
prehendetis (hoc enim mihi persuadet vestra in communem Pa-
triam propensio, & mea erga Vos, quam ita concepī, fiducia) faci-
em immane quantum à semetipsa discrepantem, sui que prorsus
abimilem; Ingredimini mecum, sodes! hunc, quem proximè,
cum laudato, laudavi, Hortum Alsatico-Rhenanum; Numquid
erat ille antehac (vah! erat utique, utinam verò etiam, num esset!)
Hortus omnium amœnissimus, & prope Paradisiaco æmulus?
Numquid stabant inibi arbores foliorum germine renidentes?
Numquid hæ ipsæ gratas hilari sub odore diffundebant umbras?
Numquid clementi brachiorum motu dulces obsibilabant susur-
tos? Numquid & has inter loquax, & nullò non cristallò nitidior
errantibus, ludebat aquis, & querulò quodammodo rorē lapillos
rēxabat rivulus? Numquid exin' penè Musicò pulsabatur con-
centu? Numquid utrinque flores, & copiosa Zephyri familia, hinc
è viridi prato argentea ridebant lilia? Illhinc purpurascētes pro-
micabant rosæ? Isthinc narcissorum niyem & ebul hiacinthorum

sanguis & aurum acuebat? Numquid denique ventulus felicitatis ab omni parte adspirabat (atque utinam non expirasset!) placidissimus? Ut mihi de suo largiatur liberalem hanc, quamvis nonnulli, subjectâ materiâ, dicendique genere ita exigentibus, immutatam *χηροβαφίαν* famosus ille inter Doctos Jesuita Drexelius, quem equidem (Sartis tamen semper, testisque Orthodoxæ Evangelicæ Dogmatibus) mallem tandem cum Juris-publici Consultorum facile Principe (quò splendidò insignire nomine non est dedignatus Consulissimum quondam Dn. Linneum, Consiliarium Brandenburgiacò-Onoldinum sanctiorem, & ipse Celeberrimus Jctus Dn. Strauchius) ob linguæ non tantum volubilitatem, sed etiam dicendi suavitatem, addo & gravitatem, cum Mercurio, quam cum reliquis stellis erraticis compararier; Non enim vel Veneri propter Libidinem, vel Marti propter Seditionem, vel Jovi propter Dominandi cupiditatem, vel denique Saturno propter Inquisitionis crepitacula (quod ego quidem scirem) æmulum se, dum viveret, prodidit, Vir, ad minimum de Literatura nostra probè meritus.

At verò, quæ, DEUM Immortalem! præfens Provinciarum harum rugosa, & subtristis est facies? Quàm ingens & innumerus prorsus malorum numerus? Abacta sunt, malum! armenta, protritæ segetes, trucidati agricolæ, urbes tot seculis florentissimè extructæ, atque olim, quantum quidem per distantiam liceat, masculè defensæ, nunc unicâ quasi procellâ immergæ conspiciuntur & subversæ; Mœstæ fuere domus metu, luctu, querimonijs, lamentis; Atque utinam fuissent tantum mœstæ! Bone DEUS! Quàm deserta, quàmque inhospita facta sunt, atque etiamnum sunt impræsentiarum hæc Deserta?

Sancte DEUS, placidis quàm distant æra Lupinīs?

Sed quorsum denique dilabor? Deglutiendæ nimirum fuerunt, ad Instar Pilularum, non mastilandæ, talismodi injuriæ, & fortunæ, præter spem malè fidæ, vehiculum illud *γλυκύπικρον*; Sufficit, quòd, DEO adhucdum propitiò, exoptatissimi denuo illuceant, alluceantque Nobis Pacis recens-restauratæ radij, aurò contra chiores, imò verò aurò, testibus equidem exhaustis partem possi-

man

nam loculis vestris (Elisâ nimirum flatili illâ, atque asperâ litterulâ) etiam cariore; Sufficit amplexus vel iniquæ Pacis, consultior sanè, quàm belli etiam æquissimi (Si vel datur tale) pertectio; Sufficit (prout hos in eventus exulceratos linè atque luctuosos sua for est

214

Romani Maximus Author

Tullius eloquij) gloriosius haberi, aut, si mavultis, conducibilis, vel aliquô Ditionis etiam dispendiô Pacem redimere, ac tranquillitatem, quàm pretiosos, imò verò & optimos referre triumphos, tantis hominum malis co-emptos. Faxit saltem Deus Ter-Optimus-Maximus, *ταυρασκήτας* arbiter, ut renovatum Pacis Instrumentum Fatum Pacis Monasterio-Osnabrugiacæ patiaturneutiquam! Absit porrò, atque absit quidem quàm-longissime Vaticinator ille Forstnerus, Cancellarius quondam Württembergico-Montispeligardenensis, Vir cætera *παντοκράτορας*, quippe qui, pro sagacissimo suo, nec non maturissimo iudicio, de priori illo Pacis Instrumento, Pax (ajebat) nuper Monasterij & Osnabrugæ sancita, ut cuncta humana, durabit, quamdiu necessum erit; Nam delectâ ex pluribus & constitutâ Reipublicæ formâ, qualis illa Monasterij percusa, laudari facilius, quàm evenire, vel, si evenit, haud diuturna esse potest. Absit proporrò æternitatis recens-conglutinatæ lusor, & illusor (Qualem quidem si cognomine saltem Vobis indigitarem, nossetis, opinor, propemodum omnes, qui, dum adhuc tantum-non imberbis ad Conventum, ex Legibus, prout vocant, præliminaribus, non nisi grandævus destinatum comparuisset, & dubiam ex nimia adhuc annorum, quam ora, vultusque prodidère, paucitate, quæstionem, ut loquimur, Status esset passus; Atque, ehodum! replicando dixit, demonstratum ibo, me non grandævum duntaxat, sed & omnem æternitatis anticæ pariter, atque posticæ compaginem non implevisse tantum, sed & longis supergressum esse parasangis; Vixi enim, & quidem jam ephebus vixi, ante conflatum illum Instrumenti Pacis Recessum, perpetim, imò verò æternum valiturum; Vivo dein etiamnum, ruptâ quamvis prætensâ hac præteritâque æternitate, homo, (Nisi me omnia fallunt) à Congressu
hoc

hoc tametsi grandævis tantum destinatio nullò Ædipol! jure ulterius excludendus; Subridere ad hanc Replicam Reliqui, & in cachinnum dissolvi, ille contra defectum annorum gravitate compensans intellectus, assidere, adeoque non tam annorum multitudine, quam maturitate judicij annosus citra ulteriorem contradictionem admittit. Absit denique audaculus ille, quisquis etiam fuerit, Haruspex, qui ad personatum illum Franciscum Irenicum, Pacem, dixit, Monasteriensem multis quidem Bullis sigillatam, subscriptionibus insuper multorum Legatorum roboratam, imò & junctis dextris confirmatam; Cæterum tensas dexteras, & oscula Pacis Monasterij data, nil, nisi Politicas esse Ceremonias; *Nus* Complimenten/venig Cordimenten.

PROPOSITIO.

Dij de Pace nostra recentissima meliora! Quam verò utrum Rebus, prout steterant, sat lubricè stantibus, inijsse consultum fuerit, nec ne, levidenssi hanc Irenico-Panegyricà elaboraturus primà equidem vice hanc Cathedram, vestro, Patres Patriæ, permissu, Literariam conscendi; Bolum mihi propinans, ut opinor, tardioris digestionis, nec fortean mei, ceu sublestioris quadantenus, sed majoris potius stomachi; Veræ scilicet Sententiæ, quod nòstis, periculosa esse solet Libertas; Faciam nihilominus periculum,

Quid valeant humeri, quid ferre recusent;

Et faciam hoc quidem eò libentius, liberiusvè, quò propensius (Id quod certè unicum est, quod ex Vobis, Auditores omnium Ordinum denuò Honoratissimi, Spectatissimique, obnixè jamnunc efflagito, officiosèquè contendo) Vos conspexero me audituros, & quod fortassis deerit, judicio Vestro, dubiò procul solidiori, politiori què, suppleturos.

TRACTATIO.

Quòd si vel bono, & gravi Provinciarum Præsidi curare congruit, prout ita congruere Legum ille Prudentum, post Scævola, & Julium Paulum, tertius Coriphæus (Ulpianum velim subauditum) Audi-

Auditores meritissimò Titulorum alioquinò reiteratis jam mihi vicibus, eâ, quâ par erat, reverentiâ, honore, & amore compellati, ut pacata sit, atque quieta, quam regit, Provincia? Quòd si porrò, juxta eloquentissimum illum Sasimorum primùm, post dein Nazianzenorum Episcopum, Gregorium Nazianzenum, Pacem audimus Dei esse, cujus Deum audimus esse Deum, quam denique audimus Deum esse ipsissimum; Quòd si præterea (Loquor jam cum beato Augustino, eruditionis pariter, atque sanctitatis Smaragdo) non crudelitate, sed credulitate quærendus esse Deus perhibetur; Quòd si proporrò, monitore, qui suprâ, Senecâ, pius etiam, atque magnanimus Princeps alieno, tanquam suo parci sanguini, probè nimirum gnarus, homini non esse homine prodigè utendum, abutendumque; Et quòd si denique in hac (quâ cæteroquin vivimus misere, ut vivamus miserius) mortali vitâ Pace nihil potest existere gloriosius, utilius nihil, nihilque tandem jucundius, velut, paucis intercalatis antè lineolis, augustè laudatus, tradit Augustinus; Jam non erit, puto, amplius sub-dubitandum, quò minus, concurrente hòc pactò, & quasi in unum conspirante Honestatis pariter, atque Utilitatis bigâ, & quæ ex hoc bipatentis fontis affluxu resultare assolet, suavissimâ Jucunditate, Rebus cum primis, prout, Facò eatenus inexorabili ita suadente, imò tantum non necessitante, steterant, sat lubricè stantibus, Pacem cum Rege Galliarum Potentissimo inijsse consultum fuerit vel maximè.

Ecquid enim Pace primùm sanctius, justius quid, & quid optabilius? Pace nimirum instauratâ, restauratâque, instaurantur, restauranturque omnia, ubi contrâ, Pace profligatâ, profligantur identidem omnia; Imò, juxta illud Silij,

1.
Ab Ho-
nesta

Pax optima rerum,

Quas homini novisse datum est, Pax una Triumphis

Innumeris potior.

Et, Mantuanò quidem teste,

Gloria Pace minor, minor est Victoria Pace,

Atque aliquid pejus Pace Triumphus habet.

Quid? Quòd reapse sit magnanimi ille Spiritus, & præcordij prorsus heroici, qui, cum Scipione, & Antonino, mavult unum servare Civem, quam mille occidere Hostes;

Scilicet, juxta illud Ovidianum,

Candida Pax homines, trux decet Ira ferax.

Quoties-enim-cunque Sanguis Piorum effunditur injuste, toties etiam-cunque Christus in membris crucifigitur suis, veluti prudenter pariter, atque Christianè ratiocinatum legitis Helmodum, Presbyterum illum Buceo-Lubecensem, ante cujus ætatem (Erat autem Friderico Barbarossæ *αὐτοκράτορ*) nemo quisquam de Henetis illis Sarmaticis scripsit vel exquisitius, vel etiam luculentius. Atque hinc etiam est, quod ad pium Henrici illius Schmidij, Theologi quondam, & Professoris, illustri, quæ Tubingæ est, Universitatis celeberrimi, Oratione parili, occasione scilicet Pacis Monasterio-Osnabruecensis, habitâ, Augustissimum gloriosissimæ memoriæ IMPERATOREM FERDINANDUM III. applausu Panegyricô acclâmitantis, imitamen, plusquam-humilimâ devotissimâque salutare possumus impræsentiarum levi hæc Panegyri LEOPOLDUM nostrum æquè Augustissimum; Salve, exclamantes, atque millies salve Cæsar Auguste, Pie, Felix, Incelyte! Felicior Julio quondam Cæsare, qui gloriabundus fatabatur (Homidium enim dum admittunt singuli, crimen est, virtus, cum publice geritur, ut mihi de suo interim largiatur Carthaginensis Episcopus) undecies centena & nonaginta duo hominum millia præliis à se occisa, atque ita quidem occisa, ut non venerit in hanc rationis computationem Civiliû Bellorum strages; Tua, IMPERATOR, quâ major esse non potest, gloria, & claritudo erit sanctior, totidem myriades, aut plures, non mactasse, sed servasse; Boni enim viri, quantumvis privati, malunt, & hoc quidem iterum cum Cicerone, commemorare se, cum perdere possent, pepercisse; Macte animo isto TUO, IMPERATOR! Habent affine quid Lux, & Majestas, Pax & Serenitas; Ideo Tu, ut Augustus, ut Sol Terrarum splendidissimus, radios Majestatis tuæ sanctissimæ commoda rei, ut bellorum dissipares nebulas, venenum omne consumeres, Orbem quæ serenares Christianum; Tuis de hunc aucti- novum Calendarium, Iuliano profecto longè melius, atq; emendatius; Orbi exhibetur Christiano, Pacis nimirum ærâ insignitum; Tibi novos debemus fastos, novas Ephemerides, non tam cladi- bus datis, neque etiam acceptis, quam solò tranquillitatis acci-
natori

torio illustres; Tamen si enim Principes, atque adeò multò magis Imperatores opum largos esse condecet, vitæ tamen prodigos eos esse haudquaquam par est, asserente sic Caroli quondam Quinti Concionatore, dum in Aula viveret, Aulicò, Antoniò illò de Guævara, Horologio suò Principum clarò.

216

Nec moror jam morosos, mordentesque Malevolorum de aut intempestivè, uti quidem somniant, aut fortean præter necessitatem arreptà Batavorum assistentià judiciorum morsus; Præterquam enim, quòd ipsis thesaurus duntaxat in lingua sit, quæstui scilicet habentibus, loqui de melioribus, & loqui quidem justò liberius, licitòque indulgentius, digni eapropter, qui juxta Plauti, Leporum Patris, arbitratum, si Gestores hujusmodi inculpationum, linguis, sin' Auditores, auribus suspendantur illico; Nòsse omninò debuissent hi tales Nasutuli, Omnes bonos alienæ gloriæ defensionem ad officium pertinere suum putare, & hoc quidem iterum Suasore Eloquentiæ Parente, Cicerone nòstrò; Ex quo, qui non repellit Injuriam à Socio, Confederatòve, si potest, tam est in vitio, quàm, qui facit; Verba sunt non mea, sed mellisui, velut in Orbe Literario audit, Ambrosij, Mediolanensis quondam Episcopi; Homo enim hominì in mutuum generatus esse perhibetur adjutorium, atque hoc quidem teste iterum Senecà, semel jam atque iterum Nobis allegatò.

Utilitatis porrò recensendæ vultin' ingrediar Oceanum? Magne DEUS! Quam profundam héc deprehendo profunditatem, exhaustu penè impossibilem! Nòstis, AUDITORIS, & nòstis equidem magnam partem lamentabili (Quam perpeffos Vos ego saltem per Quadrienium adhuc necdum tamen penitus effluxum Vobiscum vivens, sæpiusculè cum ingemiscentià his ipsis vidi oculis meis) edocti experiencià, quàm Nemo omnium sine Pacis & Tranquillitatis bono Bona noscat sua, possideatq; Quod FridERICI Marselæri, Viri profectò summæ, quæ, dum viveret, pollebat experienciæ, mihi què è millibus selectioris, elatum est æternitatis cedrò dignum. Nòstis porrò, & Vos quidem Juridici nre additi ex nostro Justiniano nòstis, sèpire Pacis lenitatem, quod belli introduxit calamitas; Quòd si enim Salus Populi suprema Lex est, veluti talem ex debito esse sæpe laudatus noster edixit Cicero;

11.
Ab Utili

Quòd si dein nihil Deo acceptius, nihilque magis secundum Naturam, quam, ut Publica tranquillitas Utilitasque procuretur; Nihil profecto impedit, quò minus cum beato nostro Dno. Dre. Walthero, Icto etiam post funera Scriptis famigeratissimo, Variorum haud ita pridem Imperij Statutum, atque hos inter & Inclytæ hujus Reipublicæ Consiliario Primario, eoque (teste Archivò vestro) emeritissimo, ex Eiusdem Panegyrico-Irenica pridie Idus Augusti Annò, supra Millestimum, Sexcentesimo, & Quinquagesimo, hoc ipsò, nisi fallor, in locò habita, inferamus de præfenti, Pacem esse utriusq; & Tranquillitatis, & Utilitatis publicæ reductricem, dignam propterea, quòd vel iustissimo antepojatur bello, ubi scilicet ipsa etiam quandoque Victoria Tullio nostro misera est, & misera quidem usque adeò, ut hujusmodi bello etiam iniquissimas Pacis Conditiones jam olim Scipio, Romanorum alioqui fulmen bellicum, fuisset anteferendas. Ubi contra inimica fortè non minimò sepe sectantes discrimine commoda, tradente sic Sueronio, similes esse aiebat Augustus autem piscantibus liamo, cujus fortè per infortunium abrupti damnum nullà lucelli capturâ pensari possit, aut exaquari. Atque adeò, ut Rem, cum Poëta, in Summam redigam, triumphus Hierarcharum & Pacis progermine, resflorescentes compendiosò quodammodo depingam penicillò Felicitatis flores, &

Pax coeleste bonum, sacris altaria fumis, atque

atque tepescentes suscitât igne focos; Pax est custodia Rerum;

Pax hominum generix, Pax est custodia Rerum;

Pax aperit juris; iustitiaeque forum;

Pax aliis vitæ, & succos condidit uvæ;

funderat ut gnato testa paterna merum;

Pace bidens, vomerque vigent; At tristitia duri

Militis in tenebris occupat anima situs;

ob conformitatem, Mantuano, taliter canente:

Nulla quies homini; Nulla est sine Pace voluptas;

Nullus amor; Nullum Religionis opus;

Pax Urbes, Pax Regna ligat, Pax congregat Orbem;

est enim multis Urbibus una Domus;

Jucun-

Jucunditatis restat delineatio, nativâ equidem suavitatē suâ se-met-ipsam insinuantis; Ubi jam iterum, vel sæpiusculè allegatō Cicerone Authore, & nomen Pacis dulce est, & res ipsa tum jucunda, tum salutâris; Quippè quâ non modò, quibus Natura sensum dedit, sed & recta lætari videntur, atque agri; Pax nimirum est (Verba sunt Paciani) tranquillitas animi, serenitas mentis, & amoris vinculum. Ubi contrâ belli non adventus solùm, sed etiâmetus, teste, qui proximè, & multoties, Cicerone, affert calamitatem; Quid? Quòd, poetante iterum Siliò:

Undique sit notum, quid cæde calentibus armis,

Quantum iræ liceat? motusque quid audeat ensis?

Nimirum in bello proclivius est genus istud hominum, & hoc quidem juxta Gailij, Prætorum Aurigæ, Pentametron:

Nec Jovis imperium, nec Phlegætona timens:

lædere, quàm benefacere; Constuprantur Virgines, trahuntur in captivitatem Senes, diripiuntur Bona, Civium opes ad execrandos Latrones atque Sicarios transferuntur, frigent artes Opificum, Pauperibus aut jejundum, aut ejulandum, aut ad impias confugiendum artes; Divites aut ereptas deplorant Facultates, aut timent relictis, utròque modò miserrimi; Virginum aut nulla, aut tristes, & funestæ Nuptiæ; Desolatæ Matronæ domi sterilesunt; Silent Leges, ridetur Humanitas, nullum habet locum Æquitas; Religio ludibrio est, Sacri & Prophani nullum omnino discrimen; Corruptitur omni vitiorum genere Juventus; Damnant longævitatē suam luctuosi Senes; Nullus honos honestis Litterarum Studijs, atque adeò nullum bellum neque tam justis causis suscipi, neque tam moderatè geri potest, quò non in gens & scelèrum & calamitatum pars maxima fere ad innoxios soleat recidere, atque indignos; Quin imò, quod equidem omnium gravissimum, hæc tam exitialis pestilentia nescit se suis continere spatijs, sed, ut unò-quòpiam orbis angulò nata, non solùm finitimas Regiones, veluti contagio pervadit, verùm etiam procul remotas, vel mercede, vel per affinitatis Rerum pariter atque Causarum, aut Fœderis etiam occasionem, in communem pertrahit tumultum, rerumque tempestatē, prout equidem Author est Author illæ Tubæ Pacis disertissimus; Usque adeò bellò vastan-

111.
A In-
cunde.

217

tur Omnia, squalent Municipia, affliguntur Coloniae, Agri quasi senio confecti marcescunt;

Cum, juxta illud Vergilij:

Nullus Aratro

Dignus honos, merent abductis Arva Colonis.

Convertuntur aratra in arma, boves in equos, stimuli in lanceas, vomeres in sagittas, tunicae in loricas, simplicitas (Qua de falso pariter atque scite ceteroquin dixit, quicumque dixit:

Simplicitas astu bene fermentata triumphat:)

In malitiam, Justitia in violentiam, Sobrietas in vinolentiam, nullumque nefas exemplum caret; Atque hoc quidem iterum assentiente, qui supra, Guevarâ. Et, ut in oppositione ad Pacem retrogradâ, summam dicam, Bellum si dixeris, omnia Mala dixeris, dixeris imò, cum Doctorum illo Nobilissimo, & Nobilium Doctissimo Mornæo, omnium immanitatum epitomen, dixeris omnium calamitatum farraginem, eò profecto magis, imò cane pejus & angue vitandam, quò certò certius est, atque omni contradictione evidentius, quòd priusquam incipias bellum, jam exhauriendo Civium opes, luctu funestando domos, & plurima, dixerim penè omnia, latronibus, furibus, stupratoribus implendo (Has enim Reliquias exspumare bellum in propatulo est) plus nocueris Patriæ, quam si profuturus sis, quod tamen adhucdum ancipitis est exitus, Victor, Triumphatorque Inimicorum.

Resol-
tio Con-
statio-
tum.

Verum autem verò prætexunt & hic Non-nulli, & quidem emundioris, ut sibi persuadent, naris Politici, ijque alibi Parasytæ, corvis multo mihi sanè deteriores (Illi quippe mortuos devorant tantum, hi etiam vivos) Date veniam loquenti cum Hypolyto à Collibus, Dicafterij sub initium hujus Seculi Palatino-Electoralis, quod Heidelbergæ est, Præsides, dum viveret, gravissimo; Prætexunt, inquam, Exercitus Cæsareo-Confœderatorum grandedinem; Hoc primum; Post dein' causant Conditionum Pacis disparitatem; Urgent denique Rationem illam Status, atque etiam Belli, ulteriorem fortè Armorum suadentes continuationem. Sed & hæc paulò pensculatiùs Res nostras contemplaturo declinatu, refutatuque erunt tantum-non facilima, certè jam ante destructionis aggressum non nisi elumbia, & vix ac ne vix quidem

trio

triobolaria; Exercitus enim magnitudinem jam ab antiquo non semper conduxisse vel unicus ē Millibus (Quos equidem, dummodò tempus vacaret, in promptu haberem, in numeratoq; enarrandos) testis esto, omni contradictione, cavillationeque major, Pompejus, quippè cui nullam omnimò rem magis exitio fuisse, quam hanc talem Exercituum granditatem, Author est florentissimus ille Historicorum Princeps Florus; Atq; hinc licet in Campis Pharsalicis multò copiosorem aluerit, quam cœsor ipsius, Julius nempe Cæsar, Exercitum, nihilò-tamen-minus Eundem ab hoc ipso victum esse ex Suetonio nòstis; Et nòstis proporrò ex Cominæo, parum admodum præsidij esse in promiscua multitudine; Quid? Quòd ex Confœderatis ij cumprimis, quorum gratiâ Clementissimus LEOPOLDUS noster primum arma sumserat auxiliaria (Batavos illos Neminem, puto, adesse, qui non exaudiat, quippè qui gloriosum quondam, & in signum imperterritæ Fortitudinis ipsis attributum Symbolum, quod Vernacula nostra reddit: *Er gehet durch/wie ein Holländer*: jam-nunc, proprio metuentes tergo, in timiditatis despumare passi sunt tintinabulum); & quidem irrequisitâ Augustissimâ suâ Majestate, in salutataque, mediante Pace eatenus Particulari, tot obtestationibus proprijs, tot, quorum intererat, protestationibus susque deque habitis, turpiter defecerunt, totumque belli oceanum non tam candidis, quam callidis quasi suggrundijs in IMPERATOREM, & IMPERIUM derivârunt nostrum; Ex quo dein Reliquorum etiam Confœderatorum Non-nulli inevitabile sibi, vel invictis, sequelæ facessitum causantur non tam negotium, quam periculum, cui se à Batavis, omnem præter spem, atque opinionem, casu contrariò, undecunque conquerebantur expositos. Post dein' ne hilum quidem stringit Conditionum. Pacis recens-transactæ disparitas; Nullò enim modò unquam fieri potest, ut Conditionum omnimoda in Pacis hujusmodi negotio intercedat æqualitas; Alia enim sunt Victoris desideria, alia iterum Victi; Alius restituendi habet facultatem; Alius vexâ tangitur redimendi; Frustrâ igitur Pacem efflagitas, usquequaque pacem ab Eo, qui proximus est Victoriæ, aut armis saltem, vel milite superior, vel etiam (Addo hoc de meo, ceteras enim Periodi hujus contextas aliquot lineolas immediate

antecedaneas Nobilissimo iterum Antecessori meo Dno. Dri. Walthero debentur) si non partim suorum, certè tamen novercantis hâc vice Fortunæ fidelitate beatior.

Rationem denique Status ab Italarum, velut auguror, Abaco, aut Abaculis, ad Gallorum superciliosam subtilitatem, subtilemque volubilitatem, Politicâ quâdam Metamorphosi tralatam, ut & belli *κατ' ἀντίφρασιν* minimè belli, vel, si mavultis, beluina naturam præ se ferentis, Rationem nequaquam moror; Imò verò perscrutaturus genium pariter atque ingenium hujus, quicquid est, Monstri Statistici, impræsentiarum incido in Rithmos illos, nescio cujus tandem Compilatoris:

Justitia cum desijt
in terris habitare,
Successit Status Ratio,
Calamitatum mare;
Quid illa sit, Rex Jupiter
non novit; Sed noverunt,
Qui eam tot Miserijs
Patronam statuerunt.

Scilicet est, & manet, prout est, atque fuit hæcenus, Ratio Status (teste præcellentissimo Bœclero) Ænigma Seculi, Materia Subtilitatis; Cum Proteo Thetis; Cum Paride Helena; Cum Ulysse Penelope. Et quousque tandem aburere, mala mens, dijudicandi libertate, justò laxiore? Quidem ad finem sese effrænata jactabit audacia tua? Bellum enim, Salustij testimoniò, ex arbitrio quidem sumitur, non item ponitur; Nec secus (inquit Ludovicus Vives) quàm Pecunia nostro arbitrio Alexæ exposita illicò alieni fit Juris, incertum, cui cessura: Ita Princeps & tota ditio in fortem eventus constituitur, motò promotòque bellò, id quod, Thucydidis effatò, tum demum deponitur, cum Victores volunt; Usque adeò, juxta sententiosum illum, & nunquam satis allegandum Senecam,

Licet omne tecum Græciæ robur trahas;
Licet arma longè Miles, ac latè explicet;
Fortuna belli semper ancipiti in loco est.

Usque adeò, dissuatore lacteò illò Eloquentiæ fonte, Liviò, ita ali-

319
 ena non appetas, ut de tuis posthâc dimices; Quin potiùs mellitis
 verborum globulis monentem Quintum Curtium audi, & audi-
 tum sequere, qui, cave sis, dixit, ne, dum ad culmen venire conten-
 dis, unâ cum ipsis, quos comprehendisti, decidas ramis, cautis sa-
 nè, quàm acrioribus Consilijs, veluti Tacitus habet, omninò tu-
 tior; Tutior etiam, meliorque, Liviò denuò attestante, certa Pax,
 quàm sperata (si non desperata penitus) Victoria; Illa quippe in
 tua, hæc in Deorum manu esse piè creditur. Quod cum IMPE-
 RATOR noster omnium Clementissimus probè animadvertisset,
 atque hoc insuper præcipuum decus, & stabilimentum Romano-
 Germanici Imperij, in cuius nimirum sinu, ac tutela serenus tran-
 quillusque beatæ Pacis status acquiesceret (Disciplinam, cum Li-
 ppsio, subintelligo militarem) in caducum, quod ajunt, inclinare
 sensisset parietem, suâque Stratiotas annonâ etiam excessivâ, &
 contra laceras illas, manuq; saltè illusoriâ (Hos enim ludos, No-
 bis, proh dolor! tristi cum appetitu Spectatoribus, non-nunquam
 esse lufos diffiteri vix poteritis) non etiam reâpsè servatas, quas
 exoticò idiomate ORDINANTIARUM indigitârunt, Leges, per pre-
 ces ut plurimum armatas, (Degeneratò eâtenus in Imperativum
 Optativò) exactâ, suòque stipendiò neutiquam contentos esse
 conspexisset, quicquid etiam sub comminatione minimâ pri-
 mum, post dein mediocrum, & denique maximæ Capitis (ut lo-
 quitur Legistarum cohors) Deminutionis (Manu etiam Impera-
 toriâ, prout ex Legato Cæsareo, nomine Scamni, ut vocant, Co-
 mitivi, Deputatus haud ita pridem ipse audiui, gravitatè suppli-
 cij adumbrante) quâ est in Justitiam propensione, & in oppressos
 commiseratione, utrinque patrimoniali, & ad hæredes transito-
 riâ, prohibuerit Sacratissima Sua Cæsarea Majestas, non potuit
 non tandem, CONSILIO nimirum & INDUSTRIA, veluti
 SYMBOLICIS istis subnixa Columnis, qualem-qualem etiam Ger-
 manix, cum primis efflagitanti, & tantum-non agonizanti, redde-
 re Pacis, ah! utinam perpetim duraturæ! quietem, piè equidem,
 (dimissis eâtenus, quod Nautis, tempestate sicubi postulante, so-
 lemne est antennis) & Christianè confidens, fore, ut Summus ille
 Rerum humanarum Arbiter, omnia in exitum sit directurus læti-
 tiam; Satiùs quippè videbatur Optimo-Maximo Cæsari nostro,

Pace

Pace stabilire Victoriā, quā per Arma ambiguo coronidē vacillare eventu, ut mihi, Mantissæ locō, de suo concedat hoc, quem suprà laudavi jure merito, Marfelaēr.

NB. Unicum est, quod aures mihi vellicavit hætenus, & adhuc me captivat subdubium, (Ad quid enim Mentis sensū ulterius dissimulem?) Constantia nimirum hujus Pacis, & nunquam cessura perennitas; Quam equidem iteratis *LEOPOLDI* nostri, ijsq; publicis Litteris ita edocentibus, vellicatim ivisse jam averruncatum asseritur potentissimus, addo & velocissimus Galliarum Rex; Novit, dubiō procul, splendidum hoc, atque Litteratissimum Auditorium, antiquas equidem, nec tamen, tradente sic Zevecotio, omni jam ex parte antiquatas esse artes, Pace scilicet, aut certē Inducijs, Pacem redolentibus, interdum expugnari, quos bello non posses; Novit, Tacito vel denuō teste, Pompejum, imagine Pacis, Lepidum, imagine Amicitiae, utrinque ab Augustō, deceptos; Nec habeo, quod hoc in passu addam, Calliditatum cæteroguin Aulicarum (Nisi, quando cum Vulpibus vulpinandum esse versutia expostulat Adversarij) ita me Deus amet! hostis infensissimus, quā, velut omnino suadere videtur Mars ille *ἄλλοπρόσαλλος*, omnibus scriptum istud Monitum Politicum: *Ναίψε καὶ μένεις ἀπὸ τοῦ*; *ταῦτα νεῦρα τῶν φρενῶν*: Hoc est: Vigila, & diffidere memento; Sunt hi nervi Prudentiae: Non enim, ut mores, ita & animum mutant vulpes, ætate quidem, (Quod diverbij est) facta astutior, non item melior, mitiorvè.

NB. Sciscitanti tandem: Ecquando in Gallia permanfurus sit Gallus? Respondeo, velut Non-Nemo ex Gallicanis quondam, teste Bulgoldensi, parili quæsitus aviditate respondisse fertur; Quamprimum scilicet nostris peccatis Gallica erunt majora.

CONCLUSIO.

Quod restat, quemadmodum

Per-quā difficile est, imitari Gaudia vana;

Difficile est, dubiā fingere mentē jocum:

Itā econtrā, satente quidem Symmachō, loquax sanè res est, & iusto quandoque prolixior, adeoque veniā si non digna, certē tamen